

S 294

1271

1部8

醫學實在易中



醫學實在易卷之三

閩長樂陳念祖修園箸

男元犀靈石參

孫男

心典欲菴
心蘭芝亭

全校字

裏症

傷寒病。陽明經大渴大熱。法用白虎湯爲表中之裏症。及
其傳裏。譫語胸腹滿不大便。爲裏中之裏症。宜三承氣湯
擇用。詳於傷寒門不贅。劉河間先生用三一承氣湯。我上
三方。



傷寒裏症詩

表中之裏是陽明熱渴汗多白虎湯行胃實晡潮熱譫

語裏中之裏相黃黃平三承氣湯隨其見症而用之

心痛心為君主之官受邪而痛手足寒至節名胸膈痛氣

調胃脘痛胃氣不和兩脇痛肝脾大腹痛風小腹痛肝腎昔人

每症皆分別九種曰飲曰食曰風曰冷曰熱曰盛曰悸曰

注曰去來悸者心虛而動痛也注者邪氣着而痛也去來

者作止不常亦邪氣也但注陰而去來為陽耳其實是小

家伎倆不必泥也宜以上中下兩旁部位分之自心胸至



胃脘爲上部宜宣其陽氣陽氣虛宜黃芪氣實宜枳實氣
結宜貝母瓜蒌皮氣逆宜半夏薤白氣滯宜檀香砂仁之
類。自胃脘至臍爲中部宜調其陰陽。仲景理中丸以人參
甘寒多液。甘草味勝於氣補陰。以白朮乾薑補陽。爲萬古
爲陰分藥。亦陰分藥。準繩卽如通脈四逆湯急於回陽。若有腹痛必加苦寒之
芍藥以養陰。黃連湯重於清火。因有腹痛不離辛熱之薑
桂以開陽。此理甚微。非熟於內經者不可與語也。自臍下
至陰器爲下部宜破其陰氣。金匱各爲寒疝。今人以等丸腫大爲疝金
匱則以腹中痛劇爲寒疝。所主皆附子烏頭蜀椒大熱之性。扶陽以破

陰。若前痛徹後後痛徹前。陰陽無分界限。宜加赤石脂。二兩。以堵截之。而生薑當歸羊肉湯。藉羊肉之濁氣。引入陰分。以破陰。尤其神妙也。脇肋一帶爲側部。宜利其樞轉。肝膽之氣。其行在側。小柴胡湯爲少陽之正藥。當歸四逆湯爲厥陰之正藥。或再加鮮橘葉。四十九片。則得矣。以上諸症。脈細而遲寒也。以薑桂附子吳茱萸之類爲主。脈大而數熱也。以金鈴子黃連沙參芍藥之類爲主。痛而閉者實也。以小承氣虛也。以附子理中湯之類爲主。痛而閉者實也。以小承氣湯之類爲主。亦有寒實而痛者。宜大黃附子湯以溫通之。

若吐蟲則用附子理中湯去甘草加當歸川椒黃連烏梅
若食積則先以平胃散加麥芽山查以消導之否則以承
氣湯下之若因怒氣而痛則以七氣湯加貝母撫芩香附
以解之人人共知不必贅也又仁齋直指治脾痛攻刺百
藥罔效用和劑抽刀散如神此方醫家秘不輕傳嘉慶十
八年長州徐炳南梓尤氏金匱翼載之心腹爲陰故列於
裏症。

經義舉痛論曰。經脈流行不止。環周不休。寒氣入經而稽遲。
泣而不行。客於脈外。則血少。客於脈中。則氣不通。故卒

然而痛厥病篇曰真心痛手足青至節心痛甚旦發夜死夕發旦死按經文極繁此不過摘其要語

心腹諸痛詩

痛分四面定醫方。下主於陰上屬陽。介在陰陽中部位。樞行在側轉斯康。

痰飲症乃水氣上泛得陽煎熬則稠而爲痰得陰凝聚則稀而爲飲此症以脾腎爲主以水歸於腎而受制於脾也痰宜二陳湯隨寒熱虛實加減怪病老痰宜滾痰丸飲宜桂苓甘朮湯真武湯二症愈後以桂附八味丸收功



南京中醫藥大學圖書館藏

經義

六元正紀大論曰。少陰司天。四之氣。民病飲發。又曰。太陰所至。為積飲痞隔。又曰。土鬱之發。為飲。發注下。至真要大論曰。諸病水液。澄澈清冷。皆屬於寒。按內經言。飲而不言。痰有之。自仲景始。

痰飲詩

痰病却緣水泛成。滾痰丸峻烈。二陳湯和平。桂苓甘朮湯。

同真武。一化太陽水府之氣。一鎮少陰水藏之氣。五飲源流一派清。

附錄

痰飲之病。源皆水也。經云三焦者。決瀆之官。水道出焉。設



三焦失職。因之聚成痰飲。變證多端。古人論痰有四。痰飲。懸飲。溢飲。支飲。詳於金匱要畧。余著有淺註。宜細辨之。然又有聚而不散者。名留飲。僻處脇下者。名癖飲。流移不定者。名流飲。沉伏於內者。名伏飲。又因酒而成癖者。名酒癖。因寒所傷者。名冷痰。因熱所傷者。名熱痰。總由於三焦失職。氣道否澁所致。是以氣行卽水行。氣滯卽水滯。唯能宣通三焦之氣。則爲治其本。而清其源矣。金匱曰。當以溫藥和之。此六字爲金針之度也。所以然者。人之氣血得溫則宜流。及結而成病。尤在涇新。立七法。授時醫之捷徑。余閱



江蘇顧西疇徐炳南之治案多本於此今姑錄之以見奇
相賞疑真析神交在三千里外云

一日攻逐

古云治痰先補脾脾復健之常而痰自化然停積既甚
如溝渠壅滯久則倒流逆上汚濁臭穢無所不有石不決
而去之而欲澄治已壅之水而使之清無足理也故須攻
逐之劑

神仙墜痰丸

控涎丹

礞有滾痰丸

十棗湯

二日消導



凡病痰飲未盛。或雖甚而未至堅完者。不可攻之。但宜消導而已。消者損而盡之。導者引而去之也。

青礞石丸

竹瀝丸

半夏丸

三和和

始因虛而生痰。繼因痰而成實。補之則痰益。圍攻之則痰去。不支。惟寓攻於補。庶止復而痰不滋。或寓補於攻。期痰去而正無損。是在辨其虛實多寡而施之。

六君子湯

按此湯宜入補方此條宜香砂六君子湯

四曰補



夫痰卽水也。其本在腎。痰卽液也。其本在脾。在腎者氣虛。水泛在脾者土虛不化。攻之則彌盛。補之則潛消。非明者不能知也。

濟生腎氣丸

桂苓甘朮湯

六君子湯

余新增

五曰溫

凡痰飲停凝。心隔。上下或痞或嘔。或利久而不去。或雖去而復生者。法當溫之。蓋痰太於脾。溫則能健之。痰生於濕。溫能行之。

沉香茯苓丸

本事神朮丸

六曰清

或因熱而生痰。或因痰而生熱。交結不解。相助爲虐。若人故言痰因火而逆上者。治火爲先也。其證咽喉乾燥。或寒或壅。頭目昏重。或欬吐稠粘。面目赤熱。二陳湯加黃芩。連翹。山梔。桔梗。薄荷。

七曰潤

肺虛陰涸。枯燥曰至。氣不化而成火津。以結而成痰。是不可以辛散。不可以燥奪。清之則氣自化。潤之則痰自消。玉節齋化痰丸。

痢疾伏邪之爲病也。夏月受非時之小寒，或貪涼而多食
瓜菓，胃性喜寒，初不覺其病。久則鬱而爲熱，從小腸以傳
大腸。大腸喜熱，又不覺其爲病。至於秋後，或因燥氣，或感
涼氣，或因飲食失節，引動伏邪，以致暴瀉，旋而裏急後重，
膿血赤白，小腹疼痛甚，則爲噤口不食之危症。當知寒氣
在胃，熱氣在腸。寒熱伏而忽發之病，用芍藥湯蕩滌大
腸之伏熱，令邪氣一行，正氣自能上顧脾胃。如若未效，卽
用理中湯以溫胃中之伏寒。加大黃以泄大腸之伏熱。一
方而兩扼其要，紅者可加地榆，白者可加木香。紅白兼見

者並加之。倘久而不瘳，可用理中湯原方以補之。或用真人養臟湯以瀉之。或間用香連丸以堅之。此定法也。亦清也。也。如若初起而發熱不休，方書皆云死證。其實非經絡不和，卽外感風寒所致。唯審其發熱而仍惡寒者，用當歸四逆湯發熱胸脇滿而嘔吐者，用小柴胡湯和其經絡而不利自鬆。倉廩湯更面面周到，足補占人所未及。痢爲腸胃之病，故列於裏症。

經義太陰陽明論曰：食飲不節，起居不時者，陰受之。陰受之則人五臟入五臟則填滿閉塞下爲殮泄。久爲腸澼論。



疾診尺篇曰春傷於風夏生飧泄腸澼陰陽別論曰陰陽虛腸澼死氣厥論曰腎移熱於脾傳爲虛腸澼死按內經所謂腸澼卽今之下痢方書又名滯下是也本經惟評虛實論謂腸澼便血身熱則死寒則生大奇論謂腎脈小搏沉爲腸澼下血血溫身熱者死又云心肝澼其脈小沉滿爲腸澼其身熱者死熱見七日者死論疾診尺篇又謂飧泄脈小手足寒者難已脈小手足溫者易已數句互異而不知熱與溫有別熱者壯熱溫者溫和也且痢與瀉二證同而不同

痢疾詩

痢分寒熱各相爭張氏號心在近時人伏邪論最精

熱腸喜熱日受熱胃寒胃喜寒日受寒標本本寒異暑過

炎暑已退寒氣欲動秋至新秋初至序時更理中湯薑克貪涼病

加味前湯加大黃令鬱火清初患尚輕休語此止從芍藥

定權衡

痢疾救逆詩三首

發熱如焚痢可愁當歸四逆湯探源流小柴胡治嘔兼

寒熱倉廩湯中再講求